

آبونه شرائطی
داخلی، خارجی، هریراچون
سنه لکی (۲۵۰)، آلتی آیلانی
(۱۳۰) غروشدر .

نسخه سی ۵ غروش ،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدل بهیدر

مسئله . وفاق آثار مع المنویه
قبول اولنور . درج ایدله
یازیر اعاده اولونماز

والله یهدی من یشاء الی صراط مستقیم محمد عاکف

اشرف ارباب

اتبعون اهدکم سبیل الرشاد

عدد : ۴۵۷

۱۴ جادی الاولی ۱۳۳۸

بخشده

۵ شباط ۱۲۳۶

جله ۱۸

اسرار قرآن

« اقتطعمون ان یؤمنوا لکم وقد کان فریق منهم ... »

۳

علیه الصلوة والسلام اقدم بر حدیث شریفده « موسویلرک
ارتکاب ایتدیکی کیره یی ارتکاب ایدوب محارم الیه یی الک عادی
حیله لرله حلال صورتنه قویغه چالیشمایکمز « بیوریورلر .

چونکه زوجہ سنی طلاق ثلثه ایله تطلیق ایدن بر آدم ایچون
حیله کارلردن برینه بش اون غروش و یروب تکرار قاریسنی استرداد
ایتمک بک قولایدر .

ابن القیم دییورکه : بعضیلری ده بر دیکرینه مثلاً بیک غروش
مقابلنده بیک بشیوز غروش آلتی اوزره اقراضده بولونمق ایسترسه بیک
غروشک طقوز یوز طقسان طقوزنی نقداً و یرر ، بر غروشیلده بر
بزارچه سنی اوکاساتار و بو حیله ایله بشیوز غروشی استحلال ایتمک ایستر .
محمد بن عبدالله الحافظ ک « کتاب الیوعنده » حضرت النسیدن
روایت اولندیغه نظراً « غیه » [۱] حقنده بر سؤال وارد اولمش ، بوکا
جواباً « جناب حق آلداتیلماز . بونی الله و رسول الله تحریم ایتمشلردر ،
بیورولمشدر .

ایشته بوکی حیله لرله بعضیلری مراجعت ایدرک مضایقه واضطرار
ایچنده بولونانلرک وارینی یوغنی یغما ایدرلر و اونلرک اضطرارندن

[۱] غیه بر آدمک دیکرینه معلوم فیثانه و معین بر مدت ایچون بر
شی صامسی و متعاقباً اونی داما اوجوز بر فیثانه کری آلسیدر . ایکی فیثات
آره سنده کی فرق ربادر . بودرلو آلیش و بریش فاسددر .

عظیم قزانچار تأمین ایدرلر . حالبوکه رسول الله اقدمن اضطرار
ایچنده بولونانلرک اموالی اوجوز فیثانه آله یی کمال شدتله نهی ایتمشدر .
خدیفه ، رسول الله اقدمن شوحیدیت شریفی روایت ایدیورلر :
« مضایقه ایچنده بولونانک مالی اوجوز فیثانه التدن آلتی حرامدر .
مسلمان مسلمانک قارده شیدر . اوکا نه ظلم ایتلی ، نه ده خیانت . اگر
بر ایملک یا نه بیلیرسه ک اونی قارده شکدن اسیر که مه . قارده شکک فلاکتی
اوزرینه فلاکت قائمه » .

ابن القیم « علیه الصلوة والسلام اقدمنک اصحاب کزینی بو حیله لرک
حرام اولدیغنی بالاجماع بیان ایتمشلردر . اصحاب کرامک اجماعی بر
حجت قاطعه در . الک قوتلی حجت اودر ، دییور .

حیله کارلرک بر طاقم محرمانی حلال قیلمق ایچون طوتدقلری
بول بوندن عبارت ایسه اهل اسلامک حقوقنی ، حتی حقوق الیه یی
اسقاط ایتمک ، اموال و املاکی صاحب لریک التدن چیقارمق ، عقود
فاسده یی تصحیح ایتمک ، الحاصل دین و شریعتله اوینامق ایچون آرتیق
بولنرک نه لر یا نه جقلری ، نه لر اویدوره جقلری تصور اولنسون !

امام احمد « حیله نامه هیچ بر شیک جائز اولدیغنی » بیان ایدیور .
کتدیسنه بر یسنک یمین ایتدکدن صکره یمینی ابطال ایتمک ایچون بر
حیله آراسه نه اوله جنی سورولمش . جواباً حیله نک جائز اولدیغنی
و حیله به مراجعت ایدرک حانت اولدیغنی در بیان ایتمشدر .

ینه امام احمد شفعه نک ابطال ایچون حیله به مراجعت ایدنلر
حقنده نه فکرده اولدیغنی سورولمش . « بر مسلمانک حقنی ابطال ایتمک
ایچون هیچ بر حیله جائز دکدر . » دیمش .

اخطارات

ادرس تبعیلنده آریجه بهی
غروش کوندولمیدر

مکتوبلرک امضالری واضح
واووناقلی اولسی و آبونه صره
نومرو سنی هتوی بولنسی
لازمدر

ممالک اجنبیه ایچون آبونه اولالارک
آدرس لریک فرانسجه ده یازلسی
رجا اولنور

یاره کوندولدیکی زمان نه ده دایر
اولدیغنی واضعاً بیلدرلسی
رجا اولنور

حیلہ کارلر حیلہ بی کتاب و سندن ، صحابہ نك اقوالندن استخراج
ایندکری سویلرلر . بونلرک اگ قوتلی دلیلی : حضرت ایوبک زوجہ سنی
یوز ضربه ایله تجزیه ایتک ایچون یمن ایتسی اوزرینه یوز عصای
برآرمه طوبیایوب اونکله ر تک ضربه ایندیردیکی حالدہ یمنی یرینه

کتیرمش اوله جفی حقنده واقع اولان مساعده در . بوندن ماعدا
حضرت یوسفک برادرینک دنکنه کندیکله سنی قویارق اونی نزدنده
آیقویمغه توسل ایتسی بر دلیل اوله رق در میان ایدرلر .
عبدالعزیز چاویش بحث پشمه دی

عالم اسلامده اسباب اعتلا انحطاط

- ۳ -

دین جلیل محمدی معالی اخلاقیه نك مجموعه کالاتیدر ، دیمش
ایدک . بو بر بر حقیقت محضه در .

جاهلیتک طوفان مفسادی آرمسند طوفان بو دین جلیل سیئات
زمانیه ایله دمکدار اولان طبایع متفسخه اصحابی او درجه عالی ، او
درجه انسانیتکارانه محاسن نفسیه ایله ترین و تذهیب ایلشدرکه تصحیح
اخلاقده تغیر ماهیت ایدرجه سنه کوستردیکی قدرت عظیمه بوکونه
نسبتله محالات عادیهدندر .

محاسن اخلاقیه نك او زمان نفوس صحابه ده خلق و ابداع ایتدیکی
علویت صحیح فکریه ، مضوی بر ضابطه وظیفه سنی ایفا ایتمش و بشریت
آرمسند بولیسسز و زاندارماسز منکرات اجتماعیه نك وجودینه امکاف
براقامشدر . او محیطک تربیتکرده سنی اولان فکر بشرک اگ اهمیتلی
اشتغالاتی خیرات و حسناتده مسابقه افعالنندن عبارت ایدی .

آره صره . آثارنی ابرازدن خالی قالیسان (نفاق) لک حکمسز
قالان ظهورانی دخی اولسه ایدی بشریتک او دوره ده ملکیت تامه یه
انقلاب ایتدیکنه حکم ایتک لازم کلیردی .

خلقت آدم دبری نا محدود استحاله لردن بکن افکار بشرک دین
جلیل اسلامک ظهورنده کوستردیکی تحولات سریعه افکارده اولدینی
کبی اخلاقده دخی تبدیل و تبدلک جوازینه برهان قاطعدر .

انسان حقیقتده قوای مکتسبه علمیه سندن عبارت اولمغه وقوف
و اطلاعک تبدلله افکار و اخلاقی دکل ، ماهیتی بیله تبدل ایتمش اولور .
شو حالدہ تبدل اخلاق ممکن دکلدرد ، دینلرک مدعیاتی بک و اهیدر .
خلاصه ، بعثت نبویه ایله ششمه پاش ظهور اولان معالی
اخلاقیه نك انواری ، دائرة ارشاد نبویه ده زانوزن اتعاط اولان صحابه
کرامک قلوبنی او درجه ده تنویر ایتشیدی که بو فیض سرشار کالات
اولانلرک هر بریسی بر نجم منیر عرفان اوله رق محیط بشریتی تنویر
مستعد بر حاله کلشیدی .

ایشته بالحاصه بو سببه مینیدرکه جزیره العربک یالچین قیاری ،
قیزغین قوملری آرمسندن طوفان شمس اسلام آفریقانک سواحله
الذنبه ، آسیانک هندستان سواحله قدر اوتوز سنه ده انتشار ایتشیدی .
بو نور مغنوینک برآز صکره آفریقان آوروپا و سائر افکار
جهانه سرعتله صجرامسی عاداتا ضیای مادینک فضاذه کی سرعت سیرینه
نظیره تشکیل ایدیوردی .

ظهور اسلامک مبادیسند محدث ایدن بر مسئله مؤسسه جای
حصول یولامش اولسه ایدی اسلامیتک یاریم عصر ایچنده بوتون اقطار
جهانی احاطه ایتسی اگ ممکن الحصول مسائلدن ایدی .

ترجه معالی اسلام خصوصنده بیک اوچوز کسور سنه لک مد
وجذر حادثاتک عوامل اصلیه سی ، بوتون مسائل اخلاقیه در .

فضائل انسانیه و کالات بشریه نك زبده سنی اولان اخلاق اسلامیه
مجلای ظهورنده کی علوی شرفی نه درجه محافظه ایتمش ایسه او
درجه ده آثار ترقی کوسترمش و اصل جلیله نسبتله اولان نقایصی
درجه سنده انحطاط تولید ایلشدر .

بونک اگ بارز مثالی اندلسدر . قطعه مذکورده معالی اسلامیه
وفضایح اخلاقیه نك هرایکسنه جلو کاه ظهور اولشدر . هجرتک برنجی
عصری او اخرینه طوفانی محاسن اسلامیه و معالی بشریه سلاحلریله
مجهز اولان جیوش کالات ، بشریتک رهبر فیوض اخلاقیه سنی اوله رق
اوقطعه محشمه یه کیردکری زمان ، قطعه نك سرمستان سفاقتی خواب
غفلتده ایدی .

ملکتنلرینک لوازم صرفانیه و کالات انسانیه ده کی نقایصی کوره بیله جک
اصحاب بصیرته مالک دکل ایدیلر . خارجدن کلن و نقایص بشریه یی اصلاحه
مأمور بولنان اسلام اردولرینه سرفرو ایتکه مجبور اولدیلر . ماده
ضیاعه ، معنأ ربح عظیمه نائل اولدیلر .

چونکه کلن اردونک دستور حرکتی عدالت ، نقوش رایاتی محاسن
اخلاق بشریت ایدی .

بو قوم جدید علویتک اوقطعه یه دخولی ، عمران بلادی ، رفاه عبادی
استلزام ایتدی . بر حالدہ که امنیت عمومی قطعه نك الهجری کوشه لرنده
دخی جاری و انوار معارف هر طرفه ساری ایدی . بر حالدہ که هر بلده
بردار الفنون کالات شکله کیرمش ایدی . او عرفانیله ، او کالاتیله ، او اداره
عادلہ سیله عالم ایچون قبله معارف اولمش ایدی . حتی آوروپا صنایع
جدیده سنه مهد ظهور اولدی . عصر لرجه دوام ایدن بوترقیاتک بوتون
عامل اصلی و سبب حقیقیسی محاسن اخلاقیه ایدی . او محاسنه ، او معالی یه
وهن و خلل طاری اولنجه هر طرفدن انحطاط یوز کوسترمکه باشلادی .
او قوه اسلامیه اوراده ابداع ایتدیکی (الحرا) لری ساحه انهمزمنده
و تأثرات عمیقہ یی تاریخ و قوطاننده بر اقره رق اضمحلاله او غمرادی .